

**Oqaasiliortut ataatsimiinnerannit  
apriilip 26-anni 2011, nal. 10. 00  
imaqarniliat  
Ilimmarfimmi / Oqaasileriffimmi.**

*Peqataasut:* Carl Chr. Olsen, Lotte Holm, Johannes Jerimiassen.

*Peqataannigitsut:* Eva Møller Thomassen, Stephen Heilmann.

***Oqaluuserisat:***

1. **Tikilluaqqusineq** aamma **ilisimatitsissutit**

Siulittaasoq ataatsimiinnermut apriilip 15-anni ingerlanneqartussaagaluaamut tikilluaqqusivoq. Ataatsimiinnissaq sioqqullugu oqaatigeriikkamisut ataatsimiinnermi matumani annerusumik immik. 3 sammineqassaaq.

2. Kingullermik ataatsimiinnermit **imaqarniliaq** naqqiissutit nassiunneqareersut ilanngullugit akuerineqarpoq.

3. **Naalakkersuisut nalunaarutaat** nr. xx xx.xx.2011-meersoq attaveqaatitigut ingerlaarneq pillugu (Landsstyrets bekendtgørelse nr. xx af xx. xx 2011 om samtrafik).

Inatsisip nutsersimanertaa qimerloorneqarpoq kukkunersiorneqarluni naqqissorneqarlunilu. Inatsisip nutserneqareersimasup taaguutitaannit taaguutit allaanerulaartut atorneqarput, s.i. nalunaarasuartaat atornagu nalunaarasuarnikkut oqaaseq atorneqarpoq il.il. Naqqissukkat nutserneqarneranut ikkussorneqassapput.

4. **Aatsitassarsiornermut taaguusersuutit** – Akilinermiut noqqaassutaat Ilaasortat najuuttut aalajangerput naggueqativut akineqassasut ilisimatinneqarlutik suli ataatsimoorussamik taaguusersuutinik peqartoqanngitsoq, taamaattoq Oqaasiliortut taaguutinik arlaqangaatsiartunik katersaateqartut isummerfigiumaagassanik.

Taaguutininik peqariissappata kalaallisut taaguusersuusiornissamut toqqammaviusinnaalluassammata nassiussiumassappatalu tamanna qujarutissaqalugu unnerput.

5. **Efterløn** kalaallisut.

Oqaasiliortut aalajangerput kalaallisut ima taaguuteqassasoq:

*Suliunnaajaarnersiutit*

6. **Porno** kalaallisut.

Oqaasiliortunut ilaasortat aalajangerput oqaaseq taanna

atorneqarlualereermat attatiinnarneqassasoq, taamaattoq saaffiginnittoq

kalaallisut taaguutissamik noqqaammat aalajangerneqarpoq oqaaseq porno

+ grafi aallaavigalugit imatut kalaallisut taaguuserneqarsinnaasoq:

*Atoqatigiinnermik takutissuineq.*

(Tak. Imaqarniliat 27.04.11 ataatsimiinnermit /NM)

7. “From Greenlandic products to a French savoir-faire” **Kalaalimernit akimmatsillugit?**

Saaffiginnittup Oqaasiliortut kingullermik ataatsimiikkamik

aalajangigarigaluat naammaginagu unnermat, Oqaasiliortut aalajangerput

kalaallisut ima taaguuteqassasoq:

*Kalaalimernit franskisuukkat*

8. **Allat.**

Eqqartugassanut immik. 8 aamma 9-tut ilanngussaagaluit eqqartugassanik

allanik ilallugit **aqagu pingasunngornermi aprilip 27-anni nal. 12.00**

ataatsimiinnissamut nuunneqarput.

Inussiarnersumik inuulluaqqusilluta

Carl Chr. Olsen  
Siulittaasoq

Nuka Møller  
Allatsi

*(Imaqarniliaq Oqaasiliortunit akuerineqarpoq 27.04 2011)*